

NÝJUNG

NÚ GETUR ÞÚ SKILAÐ STAÐGREIÐSLUNNI Í FYRIRTÆKJABANKA GLITNIS

Glitnir kynnir nýjung sem eykur þægindi í fyrirtækjarekstri. Nú er hægt að standa skil á staðgreiðslu skatta í Fyrirtækjabanka Glitnis.

- Allt á einum stað
- Þú sparar tíma og fyrirhöfn
- Betra yfirlit yfir skattgreiðslur og rekstur
- Þú getur einnig greitt virðisauka-skattinn í Fyrirtækjabankanum

Fyrirtækjabanki Glitnis er eini netbankinn sem býður þessa þjónustu.

Þú færð frekari upplýsingar um staðgreiðsluskil í Fyrirtækjabankanum, hjá fyrirtækjafulltrúanum þínum, í síma 440 4000 eða á www.glitnir.is.



GLITNIR

Miðstöð Samskipa í Belgíu

Samskip hefur tekið upp samstarf við hafnaryfirvöld í Zeebrugge í Belgíu um uppbyggingu gámamiðstöðvar vegna aukinna umsvifa Evrópuflutninga Samskipa í samstarfi við belgíska gámalöndunarfyrtækið PSA HNN.

Vikulegar siglingar Samskipa á milli Zeebrugge og hafna á Írlandi hefjast í þessum mánuði en áform eru uppi um enn frekari flutninga til og frá Zeebrugge.

Í tilkynningu frá Samskipum er haft eftir Ásbirni Gíslasyni, forstjóra fyrirtækisins, að Rotterdam verði eftir



SKIP SAMSKIPA Í ROTTERDAM Samskip ætla að byggja gámamiðstöð í Zeebrugge í Belgíu vegna aukinna umsvifa í Evrópu. MARKAÐURINN/HREINN

sem áður þungamiðja í Evrópuflutningum Samskipa en vegna aukinna umsvifa hafi orðið brýnt að hefja markvissa uppbyggingu annarra gámamiðstöðva á meginlandinu. - jab

Sýr kaupir fasteignir Teymis

Lýsing hf. og Sýr ehf. hafa undirritað samning um fjármögnun á kaupum Sýr ehf., sem er í eigu þeirra Gunnars Hjaltalín og Þórarins Ragnarssonar, á eignum Teymis hf. Kaupverð nemur 2,3 milljörðum króna. Teymi mun eftirleidis leigja húsnæðið til næstu tíu ára, að því er fram kemur í tilkynningu frá Lýsingu.

Fasteignirnar eru hús Skýrr í Ármúla, hús Securitas í Síðumúla, atvinnuhúsnæði EJS við Grensásveg og húsnæði Kögunar á Lynghálsi. Þá var að auki undirritaður samningur um fjármögnun á Köllunarklettsvegi 2, sem er í langtímaleigu til ýmissa aðila.

- jab

VIÐ UNDIRRITUN

Frá vinstri: Ólafur Helgi Ólafsson, framkvæmdastjóri Lýsingar, Börkur Grímsson, ráðgjafi fasteignafjármögnunar Lýsingar, og Gunnar Hjaltalín og Þórarinn Ragnarsson, eigendur Sýr ehf.



Stöðva umferð á föstudaginn

Fjarskiptaumferð um CANTAT-3 sæstreginn verður stöðvuð næstkomandi föstudag og gert ráð fyrir að hann verði sambandslaus fram undir lok þessa mánaðar.

Í tilkynningu Farice kemdur fram að áætlað sé að viðgerðarskipið Pacific Guardian verði komið á bilunarstað CANTAT-3 sæstregnsins næsta laugardag, en viðgerð á að ljúka 22. janúar samkvæmt áætlun. „Vegna erfiðra aðstæðna og veðurskilyrða kunna dagsetningar þessar að breytast,“ segir í tilkynningunni. - óka



HÖFUÐSTÖÐVAR KAUPPINGS Virði bankans hafði aldrei verið meira en við lokun markaða á mánudaginn.

Kaupþing aldrei verðmætara

Verðmæti bankans er komið í 670 milljarða króna.

Kaupþing, verðmætasta fyrirtæki landsins og eitt fjölmennasta hlutfélagið, hefur aldrei verið metið hærra á hlutabréfamarkaði. Bankinn stóð í 905 krónum á hlut á mánudaginn og var því metinn á 670 milljarða króna, eða sem svarar vel til hálftrar árlegrar landsframleiðslu Íslands og hálftrar heildareignar lifeyrissjóðakerfisins. Frá áramótum hafa bréf

Kaupþings hækkað um 7,61 prósent.

Þetta er þó ekki hæsta gengi Kaupþings frá upphafi því um miðjan febrúar fyrir rétt tæpu ári fóru bréfin hæst í gengið 999. Bankinn seldi nýtt hlutfé til erlendra fjárfesta í október og jók hlutfé sitt um tíu prósent sem gerir það að verkum að virði hans hefur aukist. - eþa

Stjórnendur fá kauprétti

Stjórn Icelandair Group Holding hefur veitt sautján stjórnendum félagsins kauprétti að samtals 45,3 milljónir hluta. Samningana, sem eru til þriggja ára, verður hægt að nýta frá og með árinu 2008 og er rétthöfum heimilt að nýta

þriðjung kauprettarins í fjórar vikur frá 3. janúar ár hvert. Samningsgengið er 27,5 krónur á hlut.

Jón Karl Ólafsson, forstjóri Icelandair Group, fær rétt til að kaupa fimm milljónir hluta. - eþa

Gott framboð á ýsu og þorski

Meira framboð var á ýsu og þorski á fiskmörkuðum landsins í síðustu viku miðað við aðrar tegundir. Meðalverðið var í hærri kantinum eða 177,28 krónur fyrir kílóíð sem er 38,15 krónum yfir meðalverði síðasta árs, sem hækkaði um 24 prósent á milli ára, að því er fram kemur á vef Fiskifrétta.

Líkt og fyrri vikur seldist mest af ýsu í vikunni, eða 714 tonn, en 164,04 krónur fengust fyrir kílóíð af slægðri ýsu.

Þorskur var líkt og áður í öðru sæti yfir mest seldu tegundirnar en 574 tonn seldust af þorski í vikunni og fengust 271,03 krónur fyrir kílóíð af

slægðum þorski.

Athygli vekur að mjög lítið framboð var á öðrum tegundum og seldust einungis þrjár aðrar þeirra yfir 20 tonnum. Það voru ufsi, steinbítur og keila, sem skiptu með sér næstu þremur sætum yfir mest seldu fisktegundir á mörkuðunum í liðinni viku. - jab

NÝVEIDDUR FISKUR Ufsi var á meðal fimm fisktegunda sem seldust yfir 20 tonnum á fiskmörkuðum í síðustu viku. MARKAÐURINN/GVA



KAUPIN Á POLIMOON KYNNT Ragnhildur Geirsdóttir, forstjóri Promens, kynnti á mánudag kaupin á Polimoon. MARKAÐURINN/HEIDA

Stefnt að skráningu Promens innan tveggja ára

Umsvif Promens hafa margfaldast eftir kaupin á Polimoon. Heildarvelta í lok ársins 2006 nam yfir 700 milljónum evra en var tuttugu milljónir í byrjun árs 2005.

Hólmfríður Helga Sigurðardóttir
skrífur

Stefnt er að skráningu Promens innan tveggja ára. Ekki fæst upp gefið til hvaða kauphalla er helst horft til. Bækur félagsins verða jafnframt eftirleidis gerðar upp í evrum. Þessar breytingar koma í kjölfar kaupa Promens á norska fyrirtækinu Polimoon sem gengu í gegn um áramótin. Atorka, sem á ríflega 82 prósent hlutfjár í félaginu, hyggst eftir sem áður leika lykilhlutverk í eignarhaldi á félaginu. Fyrir yfirtökuna var Polimoon skráð í Kauphöllinni í Ósló en nú er unnið að afskráningu þess.

Það má segja að Promens hafi tekið stakkaskiptum frá því í upphafi árs 2005 þegar félagið var með tuttugu milljónir evra í veltu. Í lok árs 2006, eftir umrædd kaup á Polimoon, var veltan komin í 710 milljónir evra á ársgrundvelli. Promens rekur nú sextíu verksmiðjur í tuttugu löndum, 5.400 starfsmenn starfa hjá félaginu og 160 þúsund tonn af plasti eru framleidd árlega. Einungis tvö prósent af umsvifum Promens eiga sér nú stað á Íslandi og félagið er orðið leiðandi í plastiánaði á heimsvísu.

Ragnhildur Geirsdóttir, forstjóri Promens, og Arne Vraalsen, forstjóri Polimoon, kynntu á mánudag hugmyndina að baki kaupunum. Í máli Ragnhildar kom fram að stjórnendur Promens sæju mikla möguleika á frekari vexti, bæði á núverandi mörkuðum, í Asíu og Austur-Evrópu. Promens var fyrir kaupin sérhæft í hverfissteypu en Polimoon er hins vegar sérhæft í framleiðslu á ýmsum tegundum umbúða, auk þess að framleiða hluti fyrir bíla- og rafeindaíönað. „Við vorum búin að horfa á Polimoon í nokkurn tíma og sáum það sem áhugaverðan kost sem félli vel inn í okkar stefnu. Við sjáum þetta sem gullið tækifæri til að fara inn í aðra tækni en hverfissteypu til að geta haldið áfram að vaxa og taka stærri skref. Félagið er með sterka stöðu í Evrópu og við sjáum fram á mjög áhugaverð tækifæri til að vaxa saman í framtíðinni.“

Verðið sem Promens greiddi fyrir Polimoon var 35 norskar krónur á hlut, sem samsvarar um 165 milljónum evra. Kaupin voru fjármögnuð með eigin fé og breytanlegum lánum sem eru sölutryggð af Atorku og Landsbanka Íslands, auk lánsfjármögnunar frá norska bankanum DnB NOR.

Glitnir spáir lækkingu bensínverðs

Ólíuverð lækkaði nokkuð stöðugt undir lok síðasta árs. Verð á Brent Norðursjárvarolíu stóð í 55 dölum á tunnu í gær og þykir ljóst að verðið er komið talsvert úr þeim methæðum sem það fór í um mitt síðasta ár. Greiningardeild Glitnis segir íslensku olíufyrirtækin ekki hafa lækkað eldsneytisverð síðan 22. nóvember í fyrra en telur líkur á lækkingu á næstunni.

Greiningardeild Glitnis bendir á það í Morgunkorni sínu í

gær að að lækkingu á olíuverði síðustu vikurnar megi aðallega rekja til hlýinda á austurströnd Bandaríkjanna. Fjórdi ársfjórðungur sé alla jafna sá söluhæsti á árinu en líklega megi enn búast við kuldakasti í Bandaríkjunum. Þá hafi olíubirgðir aukist þrátt fyrir að OPEC-ríkin, samtök olíu útflutningsríkja, hafi ákveðið að draga úr olíuframleiðslu um 1,2 milljónir tunna á dag frá 1. nóvember. Framleiðslan verður minnkuð enn frekar í næsta

mánuði til að koma í veg fyrir of miklar birgðir. Búist er við að olíuverð muni halda áfram að lækka á næstunni, að sögn greiningardeildar Glitnis sem bendir á að verð á Brentolíu hafi lækkað um 7 prósent síðan olíufélögin lækkuðu bensínverð í nóvember en gengi krónunnar hækkað um eitt prósent á sama tíma. Neytendur eigi því von á lækkingu bensínverðs á næstunni sem muni aftur lækka verðbólguna.

- jab

Í magnaðri sveiflu

Himinn og haf / SÍA



Það er ekkert lát á uppsveiflunni hjá SPRON Verðbréfum, því eins og sjá má af þessum nótum voru SPRON Verðbréf með langhæstu ávöxtun sambærilegra sjóða á markaði eða **15,2%***.

Um er að ræða **Peningamarkaðssjóð SPRON**. Markmið sjóðsins er að ná góðri ávöxtun og áhættudreifingu. Hentar hann því vel fyrir þá sem vilja ekki taka mikla áhættu en fá samt stöðuga ávöxtun. Enginn kostnaður fylgir því að fjárfesta í sjóðnum og inneignin er laus samdægurs.

Kynntu þér málið nánar á www.spronverdbref.is

 **spron**
VERÐBRÉF

Vegmúla 2 – 108 Reykjavík – 550 1310 – verdbref@spron.is – www.spronverdbref.is

*Nafnávöxtun miðast við 31. ágúst til 31. desember 2006 á ársgrundvelli skv. sjodir.is.

Peningamarkaðssjóður SPRON er fjárfestingarsjóður skv. lögum nr. 30/2003 um verðbréfasjóði og fjárfestingarsjóði. Rekstrarfélag sjóðsins er Rekstrarfélag SPRON. Útboðslýsingu má nálgast á heimasíðu SPRON Verðbréfa www.spronverdbref.is.
Athygli er vakin á að fjárfestingarsjóðir eru áhættumeiri fjárfestingarkostur en verðbréfasjóðir skv. lögum.



HEFUR ÞÚ ORÐIÐ VITNI AÐ GÓÐVERKI?

Óskað er eftir tilnefningum til Samfélagsverðlauna Fréttablaðsins sem veitt verða í annað sinn 22. febrúar nk.

Til greina koma allir sem hafa lagt sitt af mörkum til að gera íslenskt samfélag betra fyrir okkur öll.

Skorað er á lesendur Fréttablaðsins að senda inn tilnefningar um fólk sem á skilið að fá hraustlegt klapp á bakið og er þess verðugt að fá slík verðlaun.

Allir koma til greina, allt frá óþekktum einstaklingum til félagasamtaka eða þjóðþekktra karla og kvenna sem hafa með gjörðum sínum og framgöngu verið öðrum til fyrirmyndar.

Samfélagsverðlaunin verða veitt í sex flokkum:

1. Hvunndagshetjan

Einstaklingur sem sýnt hefur einstaka óeigingirni eða hugrekki, hvort sem er í tengslum við einn atburð eða með vinnu að ákveðnum málaflokki í lengri tíma.

2. Uppfræðari ársins

Hér koma til greina kennarar, leiðbeinendur, þjálfarar og aðrir uppfræðarar sem hafa skarað framúr og látið gott af sér leiða.

3. Framlag til æskulýðsmála

Félagasamtök sem hafa sinnt börnum af sérstökum metnaði og alúð.

4. Til atlögu gegn fordómum

Einstaklingur eða félagasamtök sem hafa unnið ötullega að því að eyða fordómum í samfélaginu.

5. Heiðursverðlaun

Einstaklingur sem hefur helgað líf sitt baráttu fyrir betra samfélagi.

6. Samfélagsverðlaunin

Félagasamtök sem hafa unnið framúrskarandi mannúðar- eða náttúruverndarstarf og lagt sitt af mörkum til að gera íslenskt samfélag betra fyrir okkur öll.

Sendið tilnefningar með því að fara inn á **visir.is**, með tölvupósti á netfangið

samfelagsverdlaun@frettabladid.is eða bréfleiðis merkt **Samfélagsverðlaun Fréttablaðsins, Skaftahlíð 24, 105 Reykjavík**. Frestur til að skila inn tilnefningum rennur út **23. janúar**. Dómnefnd mun taka allar innsendar tillögur til skoðunar. Verðlaunahafar verða kynntir og verðlaun afhent við hátíðlega athöfn **22. febrúar**.



SAMFÉLAGSVERÐLAUN
FRÉTTABLAÐIÐ



HORFT ÚT UM KAUPHALLARLUGG-ANN Greining Glitnis spáir því að Úrvalsvisitalan hækki um 21 prósent á árinu og fari yfir 7.700 stig. Árið 2006 einkenndist af miklum sölu- og gengishagnaði fjármálfyrirtækja og fjárfestingarféлага og því mun draga úr hagnaði milli árunna 2006 og 2007. Hagnaður eykst aftur árið 2008. MARKAÐURINN/VALLI

Fjármálafyrirtækin draga áfram vagninn

Útlit er fyrir að hlutabréfaárið 2007 verði betra en það síðasta að mati greiningar Glitnis sem reiknar með því að hagnaður fyrirtækja verði um 88 milljarðar króna á fjórða ársfjórðungi og yfir 250 milljarðar fyrir nýliðið ár. Hagnaður á yfirstandandi rekstrarári lækkar frá 2006 vegna minni söluhagnaðar en mun aukast á ný árið 2008 þegar rekstrartekjur yfirvinna söluhagnað. *Eggert Þór Aðalsteinsson* gluggaði í spána.

Uppgjörstímabilið er í nánd í Kauphöll Íslands og biða fjárfestar spenntir eftir fyrstu tölum. Greining Glitnis ríður á vaðið með fyrstu afkomuspá ársins en von er á svipuðum skýrslum frá kollegunum í Kaupþingi og Landsbankanum á næstunni. Í afkomuspánni frá Glitni er spáð fyrir um afkomu flestra fyrirtækja í Kauphöll Íslands á fjórða ársfjórðungi nýliðins árs auk afkomu félaganna árin 2007 og 2008.

LANGLEIÐINA Í 8.000 STIG

Ekki verður annað sagt en að rífandi gangur sé á hlutabréfamarkaði um þessar mundir en Úrvalsvisitalan hefur hækkað um 5,6 prósent frá áramótum þegar þetta er ritað. Greining Glitnis áætlað að vísitalan hækki um 21 prósent á þessu ári sem yrði öllu meiri hækking en á síðasta ári þegar Úrvalsvisitalan hækkaði um 15,8 prósent. Þetta myndi þýða að Úrvalsvisitalan stæði í um 7.750 stigum í lok árs.

Aðstæður eru góðar á hlutabréfamarkaði, horfur eru á góðri afkomu fyrir árið í ár og kennitölur féлага eru hagstæðar. „Við teljum að núverandi verðlagning markaðarins sé fjárfestum hagstæð miðað við vænta afkomu og arðsemi ársins 2007,“ segja sérfræðingar Glitnis. Útlit er fyrir frekari útrás og vöxt bæði fjármálfyrirtækja og annarra féлага sem dragi enn frekar úr þýðingu innlends efnahaglífs fyrir rekstur fyrirtækjanna. Að mati greiningardeildarinnar eru það þó fjármálfyrirtækin sem koma til með að draga vagninn, enda eru mörg rekstrarfélaganna að ná tökum á þeim fyrirtækjakaupum sem þau hafa verið að ráðast í og sýna því lakari ávöxtun.

Glitnir telur ennfremur að erlendir fjárfestar verði meira áberandi í eigendahópum fyrirtækjanna en áhugi þeirra hefur farið vaxandi á íslenskum fyrirtækjum. Aukin erlend umræða um hagkerfið og íslensku bankana hefur gert það að verkum að erlend fjármálfyrirtæki eru farin að greina íslenska banka. Sameining Kauphallar við OMX eykur einnig sýnileika íslenska markaðarins.

Helsta hættan, sem hlutabréfamarkaðnum stafar ógn af, er núverandi ójafnvægi í hagkerfinu. Harkaleg lending þess, til dæmis með skjótri lækkun krónunnar, gæti dregið markaðinn niður en mjúk lending yrði hins vegar jákvæð fyrir hann.

KAUPÞING OG FL SLÁ MET

Því er spáð að heildarhagnaður þeirra fyrirtækja sem Glitnir skoðar verði um 250 milljarðar króna fyrir árið 2006, þar af yfir 88 milljarðar króna á síðasta ársfjórðungi. Fjármálfyrirtæki og fjárfestingarfélag taka stærstan skerf sem endranær, enda einkenndist árið 2006 af miklum sölu- og gengishagnaði hjá þeim. Fjögur félag skila yfir þrjátíu milljarða króna hagnaði og það fimmta kemst þar nærri. Rétt er að taka það fram að Glitnir spáir ekki fyrir um eigin afkomu.

Arðsemi eigin fjár verður góð fyrir árið 2006 eða um 26 prósent.

Kaupþing leiðir listann fyrir árið 2006 sem var mjög viðburðaríkt hjá bankanum. Honum er spáð 11.945 milljóna króna hagnaði á fjórða ársfjórðungi og yfir 79 milljarða hagnaði fyrir allt síðasta ár. Þetta yrði langmestur hagnaður í sögu nokkurs íslensks fyrirtækis, en bankinn hafði, sem kunnugt er, slegið ársmetið strax eftir fyrstu níu mánuðina 2006.

FL Group skilar næstmestum hagnaði fyrir árið eða yfir 45 milljörðum. Hann fellur að mestum hluta til vegna söluhagnaðar á Icelandair Group á síðasta ársfjórðungi. Gangi spá Glitnis eftir um 35.542 milljarða hagnað á fjórða ársfjórðungi er það örlítið meira en methagnaður Kaupþings á þriðja ársfjórðungi þegar bankinn innleysti mikinn hagnað af sölu bréfa í Exista.

ÓVISSA MEÐ LANDSBANKANN

Glitnir reiknar með að bæði Landsbankinn og Exista skili yfir þrjátíu milljarða króna hagnaði fyrir 2006 og Straumur-Burðarás verði með 28 milljarða. Afkoma Landsbankans á síðasta ári hefur verið yfir væntingum Glitnis og er búist við góðum innri vexti í ár. Greining Glitnis gerir ráð fyrir ríflega 7,5 milljarða hagnaði á síðasta ársfjórðungi en óvissa felst í söluhagnaði á eignarhlutum LÍ í CRa og Gretti.

Undirstaða hagnaðar Exista á síðasta ári byggist á gengishagnaði af hlutabréfum, einkum í Kaupþingi og Bakkavör. Horfur á þessu ári og því næsta eru góðar þar sem Glitnir gerir ráð fyrir hækkingum á eignarhlut í Kaupþingi og batnandi reksturs rekstrarféлага eins og VÍS. Exista er því eina fyrirtækið tengt fjármálaþjónustu sem mun auka hagnað sinn á milli 2006 og 2007, Glitnir reiknar með 46 milljarða hagnaði

Exista á árinu og að aðeins Kaupþing skili hærri tölum í hús.

Afkoma Straums var nokkuð sveiflukennd á síðasta ári. Gengishagnaður á fyrsta ársfjórðungi skapaði meginhluta hagnaðar síðasta árs. Fjórði ársfjórðungur gæti einnig orðið ágætur en félagið hefur eftl mjög tekjuþætti er snúa að vaxta- og þóknunartekjum.

Afkoma Actavis og Bakkavarar fyrir árið 2006 slagar hátt í tíu milljarða og verður góður hagnaður hjá félagunum á fjórða ársfjórðungi. Í forsendum Glitnis er gert ráð fyrir að Bakkavör fái tryggingabætur vegna bruna frá árinu 2004 en bæturnar eru hærri en bókfært virði eigna. Þá skilar Alfesca miklum hagnaði fyrir fjórða ársfjórðungi.

Hf. Eimskipafélagið verður með yfir tíu milljarða hagnað á síðasta ársfjórðungi gangi spáin eftir. Þar er um að ræða mikinn söluhagnað af eignum í Avion Group, en næsta ár mun einkennast af mikilli samþættingu. Í vel dreifðum eignasöfnum er mælt með yfirvogun á bréfum í Eimskipafélaginu sem þýðir að félagið muni skila betri ávöxtun en markaðurinn til næstu þriggja til sex mánaða. Aðeins eitt annað félag er sett í yfirvogun en það er Kaupþing.

SÖLUHAGNAÐUR LÆKKAR

Glitnir setur sig í völvustellingar og spáir fyrir um árið 2007 og ennfremur árið 2008 sem er nýmæli þar á bæ. Býst hann við því að hagnaður fyrir yfirstandandi rekstrarár lækki á milli ára sem skýrist aðallega af því að árið 2006 einkenndist af miklum söluhagnaði fyrirtækja. Vænt V/H gildi markaðarins hækkar þannig úr 10,4 í 11,8 fyrir árið 2007 og vænt arðsemi eigin fjár fer úr 26 prósentum í 17,7 prósent.

Hins vegar er gert ráð fyrir að samanlagður hagnaður ársins 2008 verði meiri en fyrir árið 2006. „Við gerum því ráð fyrir að vöxtur stöðugra rekstrartekna nái á tveimur árum að yfirvinna hinn mikla söluhagnað af eignum og aðra einskíptis hagnaðarliði frá árinu 2006,“ segja sérfræðingar Glitnis.

SPÁ GLITNIS UM AFKOMU KAUPHALLARFÉLAGA 2006 OG Á 4. ÁRSFJ. *

	Afkoma 2006	4. ársfj. 2006
365 hf.	Spá ekki	-7
Actavis	9.726	3.188
Alfesca	1.637	1.807
Atorka Group	6.143	716
Bakkavör	9.587	4.511
Exista	31.043	6.748
FL Group	46.519	35.542
Hf. Eimskipafélagið	5.172	10.128
Icelandic Group	-672	-984
Kaupþing	79.170	11.945
Landsbankinn	32.800	7.557
Marel	104	38
Mosaic Fashions	1.974	705
Straumur-Burðarás	28.005	7.167
Vinnslustöðin	15	-73
Össur	287	-359
	251.510	88.629

* Bankinn spáir ekki fyrir um eigin afkomu. Allar tölur í milljónum króna

Helsta hættan, sem hlutabréfamarkaðnum stafar ógn af, er núverandi ójafnvægi í hagkerfinu. Harkaleg lending þess, til dæmis með skjótri lækkun krónunnar, gæti dregið markaðinn niður en mjúk lending yrði hins vegar jákvæð fyrir hann.


SPÁ GLITNIS UM AFKOMU FJÁRMÁLA- OG FJÁRFESTINGARFÉLAGA 2006-2008

	2006	2007	2008
Kaupþing	79.170	57.879	66.886
FL Group	46.519	28.664	31.393
Landsbankinn	32.800	24.184	28.958
Exista	31.043	45.988	54.289
Straumur-Burðarás	28.005	19.750	22.108
Alls	217.537	176.465	203.634

Allar tölur í milljónum króna

PERLAN.

Ein magnaðasta bygging Reykjavíkur á daginn.
Eitt besta veitingahúsið á kvöldin.



ALLT Í STEIK

4. janúar - 28. febrúar



4ra rétta matseðill ásamt sértíloboði á vlnum

Verð frá **3.990 kr.**

Hægt er að panta nautalund Bourguinonne,
lambahrygg, kjúklingabringu eða
– í fyrsta sinn á Íslandi –
Pétursfisk (John Dory).

Borðapantanir í síma 562 0200

Þorraganga

19. janúar

Hin árlega Þorraganga Perlunnar um Öskjuhlíðina. Eftir gönguna bíður heitt rommkakó og hefðbundið þorrablot með öllu tilheyrandi; súru, nýju, reyktu, kæstu og sterku!

Sjávarréttahlaðborð

Hefst í mars

Sjávarréttahlaðborð Perlunnar er einstakt tækifæri til að upplifa nýjungar í matargerð ólíklegustu skelfisk og fisktegunda. Margverðlaunaðir matreiðslumeistarar Perlunnar útbúa yfir 30 tegundir heitra og kaldra fiskrétta. Hér finna allir eitthvað við sitt hæfi.

Hringbraut



Veitingahúsið Perlan - S: 562 0200 - Fax: 562 0207 - Netfang: perlan@perlan.is - Heimasíða: www.perlan.is



KOLEFNI BUNDIÐ Í SKÓGUM
Alþjóðasamningar um leiðir til að draga úr útblæstri hafa búið til möguleika á viðskiptum með útblásturskvóta. Þannig geta fyrirtæki jafnað út útblástur frá iðnaði sínum með því að „binda hann“ í umhverfisvænum verkefnum á borð við skógrækt.

MARKAÐURINN/KRISTINN GUNNARSSON



Með skógrækt má breyta útblæstri

Reiknað hefur verið út að viðskipti með kolefniskvóta kunni að gera skógrækt hér arðbæra á fleiri en einn málið og komst að því að aðstæður hér eru sagðar hagfeldari en annars staðar til að nýta sér möguleikana í ins leggja áherslu á að reglur um útblástur verði almennar og að samkeppnisstaða fyrirtækja verði ekki skekk um viðskipti með kolefnisbindingu hér, en „íslenska ákvæðið“ í Kyoto-bókuninni útilokar millilandaviðskipti

Forvígismenn skógræktar hér á landi sjá tækifæri í viðskiptum með útblásturskvóta þar sem á hagkvæman hátt megi binda kolefni í skógrækt hér á landi. Ísland er aðili að alþjóðasamningum um takmörkun útblásturs, þótt við Kyoto-bókunina hafi verið gert sérstakt ákvæði um séradstæður hér. Á móti getur landið ekki tekið þátt í viðskiptum með útblásturskvóta sem hafinn er annars staðar í heiminum. Þetta kann þó að breytast þegar

gangi eftir allar þær álversframkvæmdir sem hér munu vera á teikniborðinu, að landið fari fram úr þeim heimildum sem Kyoto-bókunin gerir ráð fyrir.

GRÓÐI EFTIR 33 ÁR

Í grein Arnórs Snorrasonar, skógfræðings á Rannsóknarstöð Skógræktar ríkisins á Mógilsá, í nýjasta hefti Skógræktarritsins sem Skógræktarfélag Íslands gefur út, er í fyrsta sinn gerð tilraun til að setja verðmiða á skógrækt hér á landi.

Í greininni kemur fram að verði nýskógrækt hér þrefölduð, þannig að skógur þeki hér um fimm prósent af láglandi árið 2040 megi, miðað við 1.700 króna markaðsverð á kolefnistoni í Evrópu í haust, hafa verulegar tekjur af skógrækt þegar fram í sækir. Árin 2040 til 2080 segir hann tekjur geta numið tveimur milljörðum á ári og þá er búið að gera ráð fyrir kostnaði. Hann segir ljóst að hagnaður vegna kolefnisbindingar geti þannig auðveldlega staðið undir fjárfestingu í nýskógrækt.

„Stóri óvissuþátturinn er verðmæti losunarheimilda. Það verð stýrist mjög af því hve vel þjóðum heims tekst að takast á við vandan og draga úr losuninni,“ segir hann en kveður um leið líklegt að í næstu samningum um losunarheimildir verði krafist enn frekari samdráttar í losun gróðurhúsalofttegunda sem þá muni eflaust skila sér í hærra verði á losunarheimildunum. Aðspurður áréttar Arnór að hvort sem haldið verði áfram að gróðursetja fimm milljónir plantna á ári, eins og nú er, eða farið í aukna gróðursetningu sem áætluð var með landshlutaverkefnum verði hagnaður af nýskógrækt eftir árið

2040. „Við förum þá að hafa hreinar tekjur af þessari starfsemi á hverju ári, út frá þeim forsendum sem liggja að baki greininni. Og það er svo sem ekkert bendir til þess að verð á losunarheimildum lækki. Þrýstingurinn er frekar í hina áttina.“ Arnór áréttar að nægt landrými sé fyrir hendi, enda nemi fimm prósent landrýmis ekki nema 215 þúsund hekturum. „Það er alveg landrými til að halda áfram, spurningin er bara hvað þjóðin vill gera.“

LAGAUMHVERFI VANTAR

Aðalsteinn Sigurgeirsson forstöðumaður Rannsóknastöðvar Skógræktar ríkisins á Mógilsá segir lyklatríði að ræktun nýrra skóga sé samkvæmt Kyoto-bókuninni jafngild leið og að draga úr útstreymi gróðurhúsalofttegunda. Þá segir hann að hér á landi séu meiri möguleikar á að nýta þá leið en í löndum Evrópu, enda landrými nægt. „Við eigum mikið af illa fögnu landi sem nýtist til lítils annars en að horfa á það,“ segir hann og bendir á að möguleikarnir til þess að binda kolefni með þessum hætti séu mestir í löndum þar sem ekki er mikill skógur fyrir, þar sem hægt er að rækta hann upp og ekki er mikil samkeppni um nýtingu á landinu til annarra nota.

„Á hinum Norðurlöndunum eru ekki sömu möguleikar á að nýta nýskógrækt sem leið til að draga úr losun. Svíþjóð er að 70 prósentum vaxin skógi, Finnland að 80 prósentum og Noregur vaxinn skógi alls staðar nema í fjöllum og lítið er um láglandi. Danmörk er mjög þéttbýl og mjög þéttbær landbúnaður og þar af leiðandi mikil samkeppni um not á því landi,“ segir hann og bætir við um Suður-

SKÓGRÆKTAR-MENNIRNIR
Aðalsteinn Sigurgeirsson forstöðumaður og Arnór Snorrason skógfræðingur á Rannsóknarstöð Skógræktar ríkisins á Mógilsá.



MARKAÐURINN/ANTON BRINK

næsta samningstímabil sáttmálans tekur gildi eftir árið 2012.

Skógræktarmenn segja að hefja verði strax undirbúning til að vera í kjörstöðu þegar fram í sækir, enda sé skógrækt áratugaverkefni. Líklegt er talið að settar verði enn frekari hömlur á losun gróðurhúsalofttegunda og þar með verði útblásturskvótar enn verðmætari en nú. Þá sé jafnvel fyrir séð,

STARFSMANNAMÁL

Sveigjanleiki í orði og á borði

Sveigjanlegur vinnutími og jafnvægi á milli vinnu og einkalífs er eitthvað sem margir starfsmenn geta hugsað sér. En í hverju felast þessi hugtök og er eitthvað að marka þau? Samkvæmt Hagstofu Íslands unnu konur að meðaltali 35,6 tíma á viku en karlar 47,8 tíma á viku á síðasta ári eða um 42 klukkustundir að meðaltali. Til samanburðar vinna Norðmenn 38,6 tíma á viku en Bretar 43,1 tíma á viku.

Sveigjanleiki er margbreytilegur og þarfir starfsmanna eru ólíkar. Eitt getur hentað einstak-

ingi, annað barnafólki og enn annað eldri starfsmönnum. Áður var algengt, og er enn, að sveigjanleiki fælist í bíl til umráða frá fyrirtæki og bónusgreiðslum. Nú hefur sveigjanleiki líka færst yfir í persónulegri þarfir, s.s. aðstöðu til líkamsræktar eða fría fatahreinsun, og mörg erlend fyrirtæki bjóða bæði upp á barnagæslu eða vistun fyrir aldraða foreldra. Takmarkið er að starfsmenn þurfi ekki að fá samvaskubít gagnvart fjölskyldu við vinnu sína eða samvaskubít gagnvart vinnu með fjölskyldunni.

Jafnvægi þar á milli er markmiðið. Sveigjanlegur vinnutími getur falist í hlutastarfi, sveigjanlegum vinnustundum þar sem óunnar vinnustundir færast yfir á næsta mánuð eða að starfsmaður fær frelsi til að skila inn vissum tímafjölda á mánuði. Sveigjanlegur vinnutími hjá Breska fyrirtækinu Alliance and Leicester felst m.a. í að barnafólki er boðið að vinna samkvæmt starfsári skóla og því mögulegt að taka frí þegar skólinn er lokaður.

Á vefsíðunni money.cnn.com er vitnað í lista tímaritsins Fortune yfir hundrað fyrirtæki sem starfsfólki líkar best að vinna hjá

(100 best companies to work for), þar er greint frá því hvað kemur fyrirtækjum í tíu efstu sæti varðandi jafnvægi á milli vinnu og einkalífs. Þar kemur í ljós að fyrirtækin hafa ýmist upp á að bjóða 37,5 tíma vinnuviku, ótakmarkað veikindaleyfi, niðurgreidda barnagæslu, eða eyða miklu fé í menntun og þjálfun starfsmanna. Eitt fyrirtækjanna á listanum byrjar alla fundi á uppbyggjandi bæn og annað býður upp á fjárhagsstuðning við ættleiðingar og frjósemisaðgerðir.

Sif Sigfúsdóttir,
MA í mannauðsstjórnun.



SPÁKAUPMAÐURINN

Ef leikföngunum fækkar

Við spákaupmenn notum ýmis leikföng til að stytta okkur daginn. Eitt alskemmtilegast leiktækið fyrir utan afleiðusamninga eru gjaldeyriskrossar. Þetta eru rússíbanarnir í tívolígarði markaðarins. Ótrúlega gaman að taka eina feita krónustöðu og finna hvernig adrenalínið flæðir um æðarnar þegar maður bíður eftir því að sjá hvort maður hafi ekki veðið rétt. Og hvílik uppskera þegar vel tekst til. Og kikkið. Vá!

Ég myndi því sakna krónunnar ef hún hyrfi, bara vegna þess að ég þekki orðið vel til þessara skrytnu skepnu. Hún hefur mjólkað mér vel í gegnum tíðina enda hef ég kunnað henni að klappa, eins og konan í þjóðsögunni.

Hins vegar er mér ljóst að ég get ekki horft bara á krónuna sem skemmtilegt leikfang fyrir mig og mína líka. Ég er ekki svo firrtur í minni iðju að ég geri mér ekki grein fyrir því að krónan er blákaldur raunveruleiki fyrir þá sem hvorki hafa vit né getu til að leika sér að henni. Í þeim tilvikum er auðvitað hættu á að afurðin verði vélstrokkað tilberasmjör, svo vitnað sé í frægan ritdóm um Vefarann mikla frá Kasmír.

Það er sterkur orðrómur á markaði um að Kaupþing hafi verið á leið að skrá eigið fé sitt í evrum og gera upp í þeirri mynt. Davíð hafi stoppað þá og það skýri fýluna yfir því að Straumur Burðarás fór þessa leið. Það er ekkert sem mun stöðva þá lest. Síðan verða öll hlutabréf kominn í evrum og þá fer maður óhræddur í stórar stöður án þess að hafa miklar áhyggjur af innlendu hagsveiflunni. Það er auðvitað minna adrenalín og meira öryggi, en eftir því sem árin færast yfir, þá minnkar þörfin fyrir adrenalín. Reyndar vex þörfin fyrir einhver önnur efni, en ég nenni ekki að spá í það í bili. Den tid den sorg.

Krónan er ekki mjög ríkur þáttur í mínu lífi. Ég drekk lítið af mjólk og lambakjöt er ekki uppistaðan í fæðunni. Ég skulda ekki krónu þessa dagana, en á talsvert í evrum og ég á eitthvað af krónum á peningamarkaði, og eitthvað í óverðtryggðum skuldabréfum. Þar fyrir utan á ég krónuskrað bréf í fyrirtækjum sem hafa megnið af tekjum sínum í öðrum myntum en krónu og svo náttúrulega slatta í verðbréfum í útlöndum. Mér ætti því að vera nokk sama þótt einum rússíbana verði lokað í tívolínu mínu. Ég finn mér bara annan hef ég finn hjá mér þörf fyrir salíbunu, en meðan hann er opin, þá mun ég auðvitað græða á því.



Hvert einasta herbergi með útsýni

– einstakar aðstæður fyrir fundi og ráðstefnur

Á Hótel Búðum er frábær aðstaða til að þjappa saman vinnuhóp eða til að halda fundi og allt að 40 manna ráðstefnur fjarri skarkala hversdagsins.

Náttúrufegurðin skapar einstaka og óvenjulega umgjörð og frá þessu stórbrotna umhverfi stafar jákvæðum straumum til sköpunar. Herbergin eru gullfalleg og hvert einasta með guðdómlegt útsýni.

Að loknu fundahaldi er síðan hægt að slaka á, njóta rómaðrar matargerðar Hótel Búða, kanna nánasta umhverfi eða skreppa á jökul.



Hótel Búðir Sími 435 6700 budir@budir.is www.budir.is



Ef þú vilt gleðja góðan starfsmann eru gjafakortin okkar frábær hugmynd.

Allar upplýsingar í síma 435 6700 eða á www.budir.is

Opið alla daga – allan ársins hring Aðeins tveggja stunda akstur frá Reykjavík!

Heillaður af hagfræði

Evrurmræðan á ekki að vera dægurmál, almenningur ber byrðarnar af peningamálastjórn Seðlabankans og hagfræðikenningar geta í eðli sínu verið fallegar. Þetta var meðal þess sem Gunnar Ólafur Haraldsson, nýr forstöðumaður Hagfræðistofnunar, sagði Hólfríði Helgu Sigurðardóttur frá.

Gunnar Ólafur Haraldsson hefur lengi verið heillaður af hagfræði, svo heillaður að hann segir jafnvel um sínar eftirlætishagfræðikenningar að þær séu „fallegar“. Má því leiða líkur að því að hann muni una sér vel í starfi forstöðumanns Hagfræðistofnunar, sem hann tók við um áramótin. „Hagfræðin fjallar um mannlega hegðun, það hvernig fólk, fyrirtæki og hópar hegða sér við alls kyns aðstæður í hamingjuleit sinni, ef maður á að gerast heimspekilegur,“ segir hann. Hjá Hagfræðistofnun fer Gunnar fyrir flokki sex manna og kvenna sem sinna rannsóknar- og þjónustuverkefnum á ýmsum sviðum. Þau svið sem stofnunin hefur lagt hvað mesta áherslu á eru náttúruauðlinda- og umhverfismál, heilshagfræði og þjóðhagfræði, almenn efnahagsmál og hagstjórn.

VÍÐA KOMIÐ VIÐ Á LÍFSLEIÐINI

Gunnar hefur komið víða við á leið sinni til Hagfræðistofnunar. Hann er hagfræðingur að mennt, hefur meistaraáráðu í sjávarútvegsfræðum auk þess sem hann er með doktorspróf í hagfræði frá Frakklandi. Af fyrri störfum hans má nefna að hann var um tíma hagfræðingur hjá Hagfræðistofnun og svo Þjóðhagsstofnun. Á árunum 2002 til 2005 var hann hagfræðingur í forsætisráðuneytinu, í stjórnartíð Davíðs Oddssonar. Að þeim tíma loknum vatt Gunnar kvæði sínu í kross og tók við starfi verkefnastjóra hjá Þróunarsamvinnustofnun Íslands. Dvaldi hann meðal annars um tíma í Níkaragva. Samhliða störfum sínum hefur Gunnar haft annan fótinn í akademíunni og gegndi fyrst stöðu aðjúnkt og svo dósentis við Háskólann á Bifröst, auk þess sem hann hefur kennt við Háskóla Íslands. Til Bifrastar réði hann sig svo í fullt starf í febrúar í fyrra þar til hann tók við stöðu forstöðumanns nú um áramótin.

Þrátt fyrir að hafa unnið náið með Davíð Oddssyni í forsætisráðuneytinu segist Gunnar ekki vera pólitískur og vill hvorki staðsetja þær hagfræðikenningar sem hann aðhyllist til vinstri né hægri. „Ég get nefnt ágæta hagfræðinga sem spanna allt sviðið. Mér finnst ekki rétt að flokka fræðikenningar með þessum hætti. Ég held að oft sé erfitt að fullyrða nokkuð um að hægri menn bulli meira um hagfræði en vinstri menn, eða öfugt.“

EVURAN Á EKKI AÐ VERA DÆGURMÁL

Gunnar hefur eins og aðrir sína skoðun á mál-efnum evrunnar og krónunnar. Hann telur að ekki sé búið að skoða nægilega vel allar hliðar málsins til þess að hægt sé að taka ákvörðun um að kasta krónunni. „Það hefur til að mynda ekki verið fullskoðað hvernig við myndum haga hagstjórninni, með lítil sem engin áhrif á gjaldmiðilinn. Að taka upp evruna getur líka haft mikil áhrif á vinnu- markaðinn og þau áhrif hafa heldur ekki verið rannsökuð ofan í kjölinn. Þetta er ekki bara spurning um að telja kostina og ókostina. Það þarf að veita og meta hversu þungt þessir kostir og ókostir veita. Spurningin um fyrirkomulag þessara mála á ekki að vera dægurmál.“

Gunnar telur ekki ráðlagt að taka upp evru



GUNNAR ÓLAFUR HARALDSSON, NÝR FORSTÖÐUMAÐUR HAGFRÆÐISTOFNUNAR HÍ Gunnar telur ekki ráðlagt að taka upp evru án þess að ganga í Evrópusambandið, gæfist þess kostur.

án þess að ganga í Evrópusambandið, gæfist þess kostur. „Ef við tækjum upp evruna þyrftum við strax að reyna að aðlaga íslenska hagkerfið sem best að sveiflum í evrópska hagkerfinu. Sögulega séð hefur Ísland oft verið í uppsveiflu á meðan Evrópa er í niðursveiflu og öfugt. Ef við tækjum upp evruna án þess að ganga í sambandið gætum við lent í því að vera með lága vexti í uppsveiflu og háa vexti í kreppu.“ Hann bendir líka á að þótt Íslendingar tækju upp evruna væru hagstjórnarvandamál hvergi nærri úr sögunni. „Áhrifin af uppsveiflu eða niðursveiflu koma alltaf einhvers staðar fram. Ef það gerist ekki að hluta til í gegnum gengið, þá gerist það bara einhvers staðar annars staðar. Svo má heldur ekki gleyma því að við verðum ekki laus við áhrifin af gengissveiflum þótt við tökum upp evruna. Aðrir gjaldmiðlar sveiflast líka, þetta verða þá bara ekki gengissveiflur sem verða til af ástandinu hérna innanlands. En sveiflurnar myndu vissulega minnka.“

ALMENNINGUR BER ÞYNGSTU BYRÐARNAR

Ýmsir hafa haldið því fram að evran muni, hvort sem okkur líkar betur eða verr, lauma sér bakdyramegin inn í íslenskt efnahagslíf, samfara því að umsvif íslenskra stórfyrirtækja verði í sífellt meira mæli í erlendum gjaldmiðli. Fullyrt hefur verið að það myndi gera peningamálastjórn Seðlabankans áhrifalaus. Það er því ekki hægt að sleppa Gunnari án þess að fá hans sýn á hvaða áhrif það hefði á stjórnina ef stærstu fyrirtæki landsins tækju upp á því að færa bókhald sitt í evrum. „Ég sé ekki að þetta myndi breyta miklu frá því sem nú er, því að stórum hluta hafa stýrivextir Seðlabankans ekki virkað sem skyldi. Bankarnir hafa nú þegar greiðan aðgang að erlendu lánsfjármagni og eru því að miklu leyti undanskildir áhrifum af stýrivöxtum Seðlabankans. Ég held það sé alltaf, þrátt fyrir allt, almenningur í landinu sem ber þyngstu byrðarnar af peningamálastjórninni.“

„Það hefur til að mynda ekki verið fullskoðað hvernig við myndum haga hagstjórninni, með lítil sem engin áhrif á gjaldmiðilinn. Að taka upp evruna getur líka haft mikil áhrif á vinnu- markaðinn og þau áhrif hafa heldur ekki verið rannsökuð ofan í kjölinn. Þetta er ekki bara spurning um að telja kostina og ókostina. Það þarf að veita og meta hversu þungt þessir kostir og ókostir veita. Spurningin um fyrirkomulag þessara mála á ekki að vera dægurmál.“

Æ fleiri nýta sér kosti flugsins

Flugfélag Íslands bætir í sumar við flugleiðum til að mæta aukinni eftirspurn. Fjöldi farþega jókst um átta prósent í innanlandsflugi í fyrra. Framkvæmdastjóri Flugfélags Íslands segir viðhorf til flugs hafa breyst.

Hólmfríður Helga Sigurðardóttir
skrifar

„Samskipti Íslendinga við bæði Færeyinga og Grænlandinga hafa verið að aukast, viðskiptalega og menningarlega séð, á undanföllum árum. Svo virðist því sem Íslendingar séu að uppgötva grannþjóðir sínar.“

Árið 2006 var gjöfult fyrir Flugfélag Íslands og jókst farþegafjöldi milli ára um átta prósent. Fjöldi farþega í innanlandsflugi fylgir nokkuð vel efnahagsveiflum og því er ekki að undra að farþegafjöldi hafi aukist mest til Egilsstaða á síðasta ári. Hefur hann rúmlega tvöfaldast á fjórum árum: Sextíu þúsund farþegar flugu þangað

árið 2002 en við lok síðasta árs voru þeir tæplega 130 þúsund. Aukinn farþegafjöldi má að mestu leyti rekja til framkvæmdanna á Austurlandi og hliðaráhrifa þeim tengdum. „Það er augljóst að framkvæmdirnar á Austurlandi hafa haft mikið að segja,“ segir Árni Gunnarsson, framkvæmdastjóri Flugfélags Íslands. Hann segir það þó hafa komið á óvart hversu farþegum hafi fjölgað mikið á öðrum flugleiðum. Það telur hann að helst megi rekja til þess að æ fleiri sjái nú kosti flugsins og leyfi sér að nýta þá, auk þess sem innspýtingin í atvinnulíf-ið fyrir austan hafi áhrif víðar en þar. „Farþegum til Akureyrar fjölgaði til að mynda mikið, sem kom skemmtilega á óvart. Það er líka mikið líf á Akureyri um þessar mundir og uppgangur, bæði í mennta- og menningarmálum.“

Flugfélag Íslands flýgur á sjö áfangastaði innanlands. Flogið er frá Reykjavík til Ísafjarðar, Akureyrar, Egilsstaða og í október var flug hafið aftur til Vestmannaeyja. Frá Akureyri er svo flogið til Grímseyjar, Vopnafjarðar og á Þórshöfn. Þar að auki er flogið til Grænlands og Færeyja. Þær ferðir segir Árni njóta síaukinna vinsælda. „Samskipti Íslendinga við bæði Færeyinga og Grænlandinga hafa verið að aukast, viðskiptalega



ÁRNI GUNNARSSON, FRAMKVÆMDASTJÓRI FLUGFÉLAGS ÍSLANDS Farþegum fjölgaði um átta prósent hjá Flugfélagi Íslands á nýliðnu ári.

MARKAÐURINN/GVA

og menningarlega séð, á undanföllum árum. Svo virðist því sem Íslendingar séu að uppgötva grannþjóðir sínar.“

Töluvert hefur verið lagt í markaðsstarf í tengslum við komur erlendra ferðamanna hingað til lands. Það virðist hafa skilað sér vel og er hlutfall erlendra ferðamanna um tólf til fimmtán prósent af heildarfarþegafjölda Flugfélags Íslands og hefur farið hratt vaxandi á undanföllum árum. Þetta

segir Árni bæði skýrast af breyttum ferðavenjum og auknum fjölda fólks frá löndum utan Evrópu. „Dvalartími erlendra ferðamanna hefur verið að stytta. Meðal annars þess vegna eru margir, sem vilja sjá sem mest af landinu, sem nýta sér kosti flugsins. Fjölgun ferðamanna frá Japan og Kína hefur líka haft sitt að segja. Þeir eru þekktir fyrir að vilja sjá sem mest á sem skemmstum tíma.“

Í sumar tekur Flugfélag Íslands upp tvær nýjar flugleiðir og verður í báðum tilfellum flogið þrisvar í viku. Annars vegar verður beint morgunflug í tengslum við millilandabrotfarir í Keflavík og flug seinnipartinn frá Keflavík til Akureyrar. Þar að auki verður í boði beint flug til höfuðborgar Grænlands, Nuuk, sem ekki hefur verið boðið áður.

FRAMKVÆMDASTJÓRI KLAKS ehf. Lifandi starf í spennandi umhverfi

Við leitum að traustum, drífandi og þrautseigum einstaklingi með brennandi áhuga á nýsköpun og rekstri fyrirtækja.

Um starfið

Framkvæmdastjóri veitir faglega ráðgjöf til sprotafyrirtækja um gerð viðskiptaáætlana, auk þess að greiða fyrir aðgengi að fjármagni. Samskipti við fjárfesta og nýsköpunarsjóði eru veigamikill þáttur í starfinu. Ein meginstoða Klaks er íslenskur vettvangur Seed Forum International, en þar eru viðskiptahugmyndir kynntar fyrir innlendum sem erlendum fjárfestum.

Hæfniskröfur

- Góð menntun á sviði viðskipta- eða verkfræði
- Reynsla af stofnun sprotafyrirtækis er mikill kostur
- Tengsl á sem flestum sviðum íslensks viðskiptalífs
- Bakgrunnur úr háskólasamfélaginu er enn fremur kostur

Umsóknarfrestur er til 19. janúar 2007.

Umsóknir sendist til Þórðar Sverrissonar, stjórnarformanns Klaks ehf., thordur@nyherji.is Borgartúni 37 105 Reykjavík

Klak ehf. er framsækið nýsköpunarhús sem kemur að mótun, mati og útfærslu viðskiptahugmynda sem byggjast á nýsköpun og upplýsingatækni. Framtíðarsýn Klaks er að vera á meðal fremstu nýsköpunarhúsa á sviði upplýsingatækni og eftirsóknarvert sem samstarfs- og þjónustuaðili meðal sprotafyrirtækja og fjárfesta. Klak ehf. er dótturfélag Nýherja hf.

klak
NÝSKÖPUNARMÍÐSTÖÐ

ÚTFLUTNINGSRÁÐ ÍSLANDS
TRADE COUNCIL OF ICELAND



Skipulagt tengslanet er lykkillinn að árangri þíns fyrirtækis

Námskeið á Hótel Loftleiðum
fimmtudaginn 25. janúar 2007 kl. 09.00 - 17.00

Útflutningsráð Íslands stendur fyrir dagsnámskeiðið undir heitinu „Networking for Business Success“ með leiðbeinandanum Stephanie Peckham frá brekka fyrirtækinu Magic of Networking. Stjórnendur og starfsmenn fyrirtækja sem vilja byggja upp og viðhalda sterku tengslaneti sínu um allan heim eru sérstaklega hvattir til þátttöku.

Verð er 24.900 kr. ásamt veitingum. Takmarkaður þátttakendafjöldi.

Skráning fer fram með tölvupósti á utflutningsrad@utflutningsrad.is eða í síma 511 4000.

Nánari upplýsingar um námskeiðið gefa Hermann Ottósson, forstöðumaður, hermann@utflutningsrad.is og Inga Hlín Pálsdóttir, verkefnisstjóri, inga@utflutningsrad.is.

www.utflutningsrad.is

Borgartún 35 • 105 Reykjavík • sími 511 4000 • fax 511 4040 • utflutningsrad@utflutningsrad.is

AUGLÝSINGASÍMI
550 5000
FRÉTTABLAÐIÐ



ÚR LEIKNUM EVE ONLINE Fjölspilunartölvuleikurinn Eve Online er að stærstum hluta forritaður með Python forritunarmálinu. CCP ætlar ásamt Dohop að halda ráðstefnu um forritunarmálið á mánudag.

Ráðstefna um Python-forritun

Íslensku tæknifyrirtækin CCP og dohop, sem þróa og reka samnefnda fargjaldaleitarvél halda, í samvinnu við alþjóðlegu samtökin Python Software Foundation, ráðstefnu um Python-forritunarmálið í Salnum í Kópavogi, mánudaginn 15. janúar næstkomandi. Aðgangur er ókeypis en tilgangurinn er að kynna forritunarmálið betur fyrir íslenskum áhugamönnum um forritun.

Aðalfyrirlesari er Steve Holden, einn fremsti sérfræðingur heims í notkun, kennslu og þróun forritunarmálsins, að því er segir í tilkynningu um komu hans.

Þetta er önnur heimsókn Holdens en hann kom hingað

til lands síðast í sumar og hafði umsjón með átaksverkefni CCP sem miðaði að þróun ákveðinna hluta Python-forritunarmálsins en tölvuleikurinn EVE Online, sem hannaður er og rekinn af CCP, er að stærstum hluta forritaður með Python.

Að sögn Halldórs Fannars Guðjónssonar, tæknistjóra CCP, er notkun Python að aukast bæði hér og erlendis og því skiptir miklu máli að tæknimenntað fólk kunni skil á forritunarmálinu. „Það má segja að ráðstefnan sé okkar viðleitni til að styðja við bakið á íslenskri hátækni og kynna forritunarmál sem getur nýst afar vel í atvinnulífi og kennslu hér á landi á komandi árum,“ segir Halldór. - job



GÍSLI ÞORSTEINSSON

Frá Vodafone til Matís ohf.

Gísli Þorsteinsson hefur verið ráðinn sem markaðs- og kynningarstjóri Matís ohf. Gísli hefur verið upplýsingafulltrúi Vodafone og lýkur þar störfum á næstu dögum.

Matís er hlutafélag að fullu í eigu ríkisins, en í því sameinast starfsemi Rannsóknastofnunar fiskiðnaðarins, Matvælarannsóknna Keldnaholti (MATRA) og Rannsóknastofnu Umhverfisstofnunar. Félagið var stofnað nú í haust. - óká

Alesca verðlaunað

Dótturfélag Alfesca í Skotlandi, Farne, sópaði til sín verðlaunum þegar matvælaververðlaunin „Food and Britain“ voru afhent á Svaoyhótelinu í London í desember síðastliðnum.

Í fréttatilkynningu frá Alfesca segir að Farne hafi hlotið fern verðlaun. Það hafi verið útnefnt útflutandi ársins í Skotlandi, útflytjandi ársins í frystum og kældum matvörum, útflytjandi ársins í vörumerkjum stórmarkaða og útflytjandi ársins í flokki drykkja og matvara. - hhs

KVÖLDVERÐUR
OG FYRIRLESTUR
Á NORDICA HOTEL
MEÐ EINUM
HELSTA
ÁHRIFAMANNI
Í BANDARÍSKU
VIÐSKIPTA- OG
STJÓRNMÁLA LÍFI



S T E F N U M Ó T V I Ð L E I Ð T O G A I I



UNDIR RÆÐU MANNS ÁRSINS Á HÓTEL SÖGU Frá vinstri má hér merkja Jón G. Hauksson, ritstjóra Frjálsrar verslunar, Geir H. Haarde forsætisráðherra, Benedikt Jóhannesson, framkvæmdastjóra útgáfufélagsins Heims, Halldór Ásgrímsson, fyrrverandi forsætisráðherra, og Jón Helga Guðmundsson athafnamann oft kenndan við Byko. MARKAÐURINN/HEIDA

Yfirtaka þriðja hvern mánuð frá árinu 1999

Frjáls verslun valdi Róbert Wessman, forstjóra Actavis, mann ársins í viðskiptalífínu.

Róbert Wessman, forstjóri Actavis, var valinn maður ársins í viðskiptalífínu af dómnefnd tímaritsins Frjálsrar verslunar. Geir H. Haarde afhenti Róbert viðurkenningu tímaritsins í hófi sem haldið var honum til heiðurs á Hótel Sögu fyrir helgi.

Í ræðu sinni fór Róbert í stuttu máli yfir sögu Actavis en fyrirtækið hefur vaxið með undraverðum hætti síðustu ár. Taldist honum til að frá árinu 1999 hefði að jafnaði verið tekið yfir fyrirtæki þriðja hvern mánuð, slíkur hafi vöxturinn verið.

Var þetta í nítjándra sinn sem Frjáls verslun útnefnir mann ársins, en það hefur verið gert allt frá árinu 1988 þegar saman voru tilnefndir þeir Sigtryggur Helgason og Jóhann Jóhannsson í Brimborg.

Formaður dómnefndar Frjálsrar verslunar er Benedikt Jóhannesson, framkvæmdastjóri útgáfufélagsins Heims sem gefur út tímaritið, Jón G. Hauksson ritstjóri Frjálsrar verslunar, Sigurður Helgason, fyrrverandi forstjóri Flugleiða, Gylfi Magnússon prófessor og Jón Helgi Guðmundsson í Byko. - óká



RÓBERT WESSMAN Í ræðu sinni eftir að hafa verið valinn maður ársins fór Róbert Wessman, forstjóri Actavis, í stuttu máli yfir sögu fyrirtækisins. MARKAÐURINN/HEIDA

Eimskip kaupir Alla Geira

Eimskip hefur keypt alla hluti í flutningafyrirtækinu Alli Geira hf. á Húsavík. Seljendur eru fjölskylda Aðalgeirs Sigurgeirssonar heitins sem stofnaði fyrirtækið fyrir 50 árum og Hannes Höskuldsson. Fyrir átti Eimskip hf. rúmt 51 prósent í fyrirtækinu sem sameinaðist Skipaafgreiðslu Húsavíkur fyrir nokkrum árum. Starfsmönnum fyrirtækisins hefur þegar verið tilkynnt um sölu en 33 starfa hjá Alla Geira hf. Gert er ráð fyrir óbreyttri starfsemi hjá fyrirtækinu. - íah

Ný stjórn FME tekin við

Viðskiptaráðherra hefur skipað nýja stjórn Fjármálaeftirlitsins til næstu fjögurra ára. Skipunin tók gildi fyrsta þessa mánaðar.

Í aðalstjórn sitja Lárus Finnbogason, löggiltur endurskoðandi, sem er formaður stjórnar, Sigríður Thorlacius lögfræðingur, varaformaður stjórnar og Ingimundur Friðriksson seðlabankastjóri.

Í varastjórn eru Kjartan Gunnarsson skrifstofustjóri, Þuríður Jónsdóttir héraðsdómslögmaður og Sigríður Logadóttir, aðallögfræðingur Seðlabankans.

Stefán Svavarsson, löggiltur endurskoðandi, sem verið hafði stjórnarformaður frá ársbyrjun 2001, gaf ekki kost á sér til áframhaldandi setu í stjórninni. Í tilkynningu viðskiptaráðuneytisins eru honum færðar „bestu þakkir fyrir frábært starf í þágu Fjármálaeftirlitsins“. - óká

STEVE

AÐALRITSTJÓRI OG EIGANDI FORBES MAGAZINE

FORBES

MÍÐASALA OG ALLAR UPPLYSINGAR Á

MÍÐI.IS OG Í SÍMA 511 2255

NORDICA HOTEL 6. FEBRÚAR

ÞESSI VIÐBURÐUR ER Á VEGUM
CONCERT EHF - NÁNAR Á CONCERT.IS



Microsoft og Ford bæta ökumenningu

Bandaríski bílaframleiðandinn Ford og hugbúnaðarísinn Microsoft kynntu í síðustu viku hugbúnað í bíla sem gerir ökumönnum kleift að raddstýra ýmsum rafbúnaði í bílum sínum, svo sem spilurum og farsíma.



STJÓRARNIR RÆÐA MÁLIN Alan Mulally, forstjóri Ford, ræðir við Bill Gates, stofnanda og stjórnarformann Microsoft, á ráðstefnu við þegar hulunni var svipt af samstarfinu um helgina. MARKAÐURINN/AFP

Hugbúnaðurinn skilur þrjú tungumál en með honum getur ökumaður greint frá því hvaða lög hann vill heyra í græjum á borð við iPod-spilara og í hverja farsíminn á að hringja í. Búnaðurinn verður innbyggður í tólf nýjar bílategundir undir merkjum Ford sem koma á markað á þessu ári.

Að sögn stjórnenda bandarísku bílasmíðanna er mikil eftirspurn eftir handfrjálsum tækjabúnaði á borð við þennan í bíla vestanhafs og sér fyrirtækið fram á að

geta plægt geysistöran markað fyrir tæknina í Bandaríkjunum til að byrja með.

Tækjabúnaðurinn, sem nefnist Sync, þykir vera ágætt viðbragð Microsoft til að stækka markaðshlutdeild sína og sækja á nýja markaði utan tölvugeirans. Á móti kemur að Ford þykir hafa landað ágætu tækifæri til að bæta afkomu sína á bandaríska bílsmarkaðnum, sem hefur dregist nokkuð saman síðastliðin ár. Aðrir bílaframleiðendur munu vera að vinna að innleiðingu svipaðrar tækni í bíla sína. - jab


100 dala tölvun tilbúin í sumar

Jón Aðalsteinn Bergsveinsson
skrifar

Vonir standa til að hundrað-dala-tölvun svokallaða, sem reyndar heitir XO, verði tilbúin og komin í almenna dreifingu um allan heim í júlí í sumar. Eins og nafnið gefur til kynna mun tölvun kosta 100 Bandaríkjadali eða um 7.000 íslenskar krónur en hún er ætluð fátækum börnum, ekki hvað síst í þróunarlöndunum, sem fram til þessa hafa staðið utan við tæknivæðinguna.

Fyrstu tölvurnar, sem þróaðar hafa verið í bandaríska tækniháskólanum MIT síðastliðin tvö ár, fara til Brasilíu, Argentínu, Úrúgvæ, Nígeríu, Líbýu, Pakistan og til Taílands.

Í tölvunni er 366 MHz örgjörvi frá AMD og þráðlaus nettenging. Hún hefur engan harðan disk en 512 MB vinnsluminni og tvö USB-port, sem gerir það að verkum að hægt er að tengja jafnartæki við tölvuna. Þá keyrir tölvun á einfölduðu stýrikerfi frá Linux en ræður við stýrikerfi frá Microsoft og Apple auk þess sem henni fylgja ritvinnsluhugbúnaður, vafri og RSS-fréttabjónusta svo notendur geti fylgst með gangi heimsmálanna.



NICHOLAS NEGROPONTE Höfundur 100-dala tölvunnar kynnrir hana á fundi Alþjóða efnahagsstofnunarinnar (WEF) í Davos í Sviss fyrir ári. MARKAÐURINN/AFP

Nicholas Negroponte, sem unnið hefur að þróun tölvunnar hjá MIT, vísar því á bug að hundrað-dala tölvun sé strípuð og einfölduð útgáfa af hefðbundnum tölvum. Hann geti

vel hugsað sér að leggja eigin tölvu og nota XO-tölvuna. „Hún verður mun betri á margan hátt,“ segir hann í samtali við fréttastofuna Associated Press.

PENINGAMARKAÐSSJÓÐIR

Ávaxtaðu betur

- í þeirri mynt sem þér hentar

ávöxtun í evrum	ávöxtun í dollurum	ávöxtun í krónum	ávöxtun í pundum
4.0%*	6.2%*	13.8%*	4.6%*

Kynntu þér kosti Peningamarkaðssjóða Kaupþings í ISK, USD, EUR og GBP.

Hafðu samband við ráðgjafa í síma 444 7000.

*Nafnávöxtun í ISK, EUR, USD og GBP á ársgrundvelli fyrir tímabilið 30/11/06-29/12/06.

Peningamarkaðssjóðir eru fjárfestingarsjóðir skv. lögum nr. 30/2003, um verðbréfasjóði og fjárfestingarsjóði. Rekstrarfélag sjóðsins er Rekstrarfélag Kaupþings banka hf. Fjárfestingarsjóður telst vera áhættusamari fjárfesting en verðbréfasjóður skv. lögum. Meiri áhætta fjárfestingarsjóðs er fölginn í rýmri fjárfestingarheimildum sem geta m.a. leitt til minni áhættudreifingar en í verðbréfasjóði. Nánari upplýsingar um framangreint má nálgast í útboðsýsingu eða útdrætti úr útboðsýsingu sjóðsins í útbúum Kaupþings eða á www.kaupthing.is.

KAUPÞING



DEMANTASJÓNVARPIÐ Hönnuðurinn Jeffrey Link við hlið viðhafnarútgáfu flatsjónvarpsins frá Philips. MARKAÐURINN/AFP

Einstakt sjónvarp

Hollenski viðtækja- og tækni- framleiðandinn Philips kynnti sérstaka viðhafnarútgáfu af Philips Ambilight flatsjónvarpinu á árlegu tæknisýningunni í Las Vegas í Bandaríkjunum á sunnudag um síðustu helgi. Tilfnið er að fyrirtækið hefur selt milljón sjónvörp af þessari gerð.

Hönnuðurinn Jeffrey Link á

heidiurinn að viðhafnarútgáfunni sem er skreytt 2.200 eðaldemöntum.

Ekkert hefur verið gefið upp um hvort sjónvarpið, sem er einstakt í sinni röð, fari í almenna sölu en Philips hefur neitað að gefa verðið upp. Hins vegar má gera ráð fyrir að viðtækið mun kosta skildinginn og vel það. - jab

Nýir margmiðlunarsímar

Finnski farsímaframleiðandinn Nokia kynnti þrjú nýja og næfurþunna margmiðlunarfarsíma og lófátölvu undir merkjum fyrirtækisins á tæknisýningunni í Las Vegas í Bandaríkjunum um síðustu helgi.

Farsímarnir, sem eru í svokallaðri N-seríu, eru talsvert minni en fyrri gerðir símanna. Þeir eru 13,7 millimetrar í þvermál og koma á markað á fyrsta fjórðungi þessa árs. Samkvæmt Nokia seldust tæplega 40 milljónir farsíma af þessari gerð á síðasta ári en stefnt er að því að selja allt að 280 milljónir margmiðlunarfarsíma á næstu tveimur árum.

Símarnir ráða




LÓFÁTÖLVA FRÁ NOKIA Finnski farsímaframleiðandinn Nokia býst við mikilli söluaukningu á næstu árum á lófátölvum og farsímum sem styðja við margmiðlunartækni og hafa ýmsan innbyggðan tækjabúnað.

- jab

Hæsta ávöxtun 2006

Ávöxtunartölur 2006*



* Samkvæmt gögnum frá Lánstrausti hf., sem birtir ávöxtun sjóða á Íslandi á hlutlausan hátt, er Peningamarkaðssjóðurinn með hæstu ávöxtunina 2006 miðað við sambærilega sjóði.

Markmið Peningamarkaðssjóðsins er að skila jafnri ávöxtun með fjárfestingum í skammtímaverðbréfum. Aðallega er fjárfest í innlánnum, skuldabréfum og víxlum skráðum í Kauphöll Íslands. Meðaltími sjóðsins er mjög stuttur, innan við ár og því er ekki að vænta mikilla sveiflna á gengi sjóðsins. Peningamarkaðssjóðurinn skilaði 12,6% nafnávöxtun frá 30. desember 2005 til 29. desember 2006.

Hafðu samband við ráðgjafa okkar í síma **575 4400** eða kíktu á vefsíðu okkar, www.vsp.is.

Engin kaup- eða sölupóknun.

Peningamarkaðssjóðurinn er rekinn af Rekstrarfélagi Sparisjóðanna hf. Verðbréfabjónusta Sparisjóðanna hf. er vörsluaðili sjóðsins. Peningamarkaðssjóðurinn er fjárfestingarsjóður sem starfar skv. lögum nr. 30/2003 um verðbréfasjóði og fjárfestingarsjóði. Fjárfestingarsjóður telst vera áhættusamari fjárfesting en verðbréfasjóður skv. lögnum. Meiri áhætta fjárfestingarsjóðs er m.a. fólgin í rýmri fjárfestingarheimildum sem geta leitt til minni áhættudreifingar en í verðbréfasjóði. Frekari upplýsingar um sjóðinn má finna í útboðslýsingu og útdrætti útboðslýsingar sem hægt er að nálgast á www.vsp.is.

BANKAHÓLFÍÐ



Úr Kaupthing í Kaupthing

Iceland Review sendir reglulega smáfréttir og pistla á ensku út á öldur netsins. Einn pistill þessa dagana er smá yfirferð á því helsta sem hefur verið að gerast í rólegri tíð hér norður á Fróni. „John Cleese seems to be everywhere in the country. Not literally of course, but his face is plastered on huge billboards for KB Bank (excuse me, Kaupthing – another Icelandic bank has re-branded itself).“ er meðal þess sem er títt. Vandinn er bara sá að enginn í útlöndum þekkir fyrirbærið KB Bank. Kaupþing hefur frá upphafi heitið Kaupthing á erlendum mörkuðum og ef einhver kannast við KB skammstöfunina, þá eru það þeir örfáu útlendingar sem kunna að kannast við Kaupfélag Borgfirðinga.

Að evra eða ekki evra

Fullyrt er á markaði að fjármálafyrirtækin vilji í stórum stíl færa eigið fé sitt í evrur. Þannig gengur sú saga að Seðlabankinn hafi stöðvað Kaupþing í að ganga þetta skref, en síðan hafi Straumur-Burðarás farið þessa leið. Gjaldeyrisjöfnuður bankanna gefur svo til kynna að ef heldur fram sem horfir verði ekki um stóra breytingu að ræða verði skrefið stigið til fulls. Eigið fé verði mest megnis komið í evrur hvort eð er.

Verður allt að vopni

Íslands ógæfu verður allt að vopni, var eitt sinn sagt þegar hver óaranin rak aðra. Kaupþingsmenn hafa fengið sinn skerf að undanfögnu. Þannig hefur auglýsingum þeirra verið snúið upp á háa vexti og miklar skuldir landsmanna með grátandi fólki. Þar við bætist umræða um flotræfilshátt vegna auglýsinga með John Cleese og svo hefur árlegt parti í London verið milli tanna einhverra.

Nú er það reyndar svo að partíið í London er ekki á vegum Kaupþings, heldur er það einkapartí Ármanns Þorvaldssonar. Þannig að það er óþarfi að snúa því upp á bankann. Engum kemur við hvernig Ármann kys að gleðja vini og vandamenn, auk þess sem telja má að þrátt fyrir kostnað af veislunni megi auðveldlega finna launa sinna í djamm en Ármann.

4,9% hækkun úrvalsvisitölnunnar í síðustu viku.

1.000 krónur á hlut sem Citigroup, stærsta fjármálafyrirtæki heims, metur Kaupþing á.

21% hækkun úrvalsvisitölnunnar á árinu 2007 ef spá Greiningar Glitnis gengur eftir.

KYRON

FULLVAXINN LÚXUSJEPPI

Á FRÁBÆRU VERÐI!

KYRON
X-TRANSITION

TURBO DIESEL INTERCOOLER
141 hestafli vél, tog 310 Nm
Sjálfskiptur eða beinskiptur

Glæsileg, þægileg innrétting

Byggt á grind og með hátt og lágt drif

SsangYong KYRON

KYRON er nýr jeppi frá SsangYong í S-Kóreu hlaðinn nýjungum.

Komdu, skoðuðu og prófaðu KYRON, því stuttur reynsluakstur segir meira en mörg orð.

Umboðsaðilar:
 Bílasalan ÓS, Akureyri - s 462 1430
 Bílhorni hjá Sissa, Keflavík - s 420 3300
 Bílasala Austurlands, Egilsstaðir - s 471 3005

Bilabúð Bennna
 Tangarhöfða 8-12
 s. 590 2000 • fax 590 2099 • benni@benni.is

E-TRADE®

„Auðveldara en ég hélt“

Með þátttöku á E-TRADE í gegnum Landsbankinn býðst einstaklingum möguleiki á að nýta sér beint og milliliðalaust áhugaverð fjárfestingartækifæri. Kynntu þér málið á landsbanki.is eða hringdu í síma 410 4000.

120
1886
2006



Landsbankinn

Banki allra landsmanna í 120 ár